

**Uunga siunnersuut: Meeqjanut atuartunut perorsaanikkut inerikkiartuutaasunik sunngiffimmi neqeroorutit pillugit inatsisartut inatsisaat nr. xx, xx. xxx 2017-imeersoq**  
(Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq)

## Saqquummiusissut

### Siullermeerneqarnera

Naalakkersuisut sinnerlugit Meeqjanut atuartunut perorsaanikkut inerikkiartuutaasunik sunngiffimmi neqeroorutit pillugit inatsisartut inatsissaattut siunnersuut matumuuna saqqummiuppara.

Kulturikkut ingerlatsineq sunngiffimmilu sammisassaqtitsineq pillugit Inatsisartut inatsisaannut nr. 5, 6. juni 2016-imeersumut nalinginnaasumik oqaaseqaatini eqqaaneqartutut, inatsisip pineqartup pilersikkiartornerani inatsisisamik piareersaalluni suliaqarnermut atatillugu isumaqtigisiutigineqarpoq, paarsisarnermut tunngasut tamarmiusut misissuiffigeqqissaarneqarnissaat pisariaqartinneqartoq, meeqjanut suli atualinngitsunut atuartunullu tunngatillugu. Tamatuma malitsigisaanik kommunit, Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfiup aamma Ilinniartitaanermut Aqutsisoqarfiup peqataaffigisaannik ulluni marlunni suleqatigiittooqarpoq.

Suleqatigiinnerup tamatuma ingerlanerani paarsisarnermik aaqqissuussinerit pillugit malittarisassat atuuttut misissorneqarput, paasiniaqqissaarneqarlutik meeqjanullu atuartunut naleqqiullugu, kommunit ulluinnarni periusaannut sanilliunneqarlutik. Taamaaliornikkut aaqqissuussinerit assigiinngitsut kommunimiit kommunimut nikerarsinnaasut erseqqissaavagineqarput, taamatullu kommunit ataasiakkaat kissaataasa pisariaqartitaasalu ilanngunneqarnissaat periarfissaqarluni.

Suleqatigiinnermi aallaaviuvoq nassuerutigineqarmat, meeqjanut atuartunut perorsaanikkut sunngiffimmi neqeroorutit atuarfiup angerlarsimaffiullu akornanni immikkut inissisimasut, tamatumani neqeroorutit paarsinerup saniatigut tassaallutik, meeqqap nalinginnaasumik peroriartornissaanut peqataasussat, meeqqallu inuttut tamatigoortumik inerikkiartornissaanik inuunerlu naallugu ilikkariartornermut peqataasinnaalernissaanik siuarsaasussat.

Maanna aaqqissuussinerusut sammineqarnerannut atatillugu iluaqtissartaat ajoqtaasinnaasullu oqallisigineqarput, tamatumunnga ilanngullugit ajornartorsiutaasinnaasut pingaarutilit. Ilutigisaanik kissaatigineqarpoq, siunissami pineqartoq pillugu inatsisiilornermi, sumiiffinni ataasiakkaani pisariaqartitsinerit aamma nukissatigut periarfissat assigiinngitsorujussuusinnaanerat aallaavigineqassasut. Tamatuma saniatigut oqallinnerit kinguneraat inassutigineqarmat, meeqjanut atuartunut perorsaanikkut inerikkiartuutaasunik

sunngiffimmi neqeroorutit immikkut ittumik inatsisiliornikkut malittarisassiuunneqassasut.  
Taamaalillutik inassuteqaatit siunnersuut manna inernerivaat.

Taamatut oqaaseqarlunga siunnersuut Inatsisartunut inussiarnerumik  
suliarisassanngortippa.